



SLUŽBA
ZA POSLOVE
SA STRANCIMA
SERVICE FOR
FOREIGNERS'
AFFAIRS



DRUŠTVO CIVILNOG KRIŠTA KRIŽA BOSNE I HERCEGOVINE
DRUŠTVO UPRISNOG KRIŠTA KRIŽA BOSNE I HERCEGOVINE
RED CROSS SOCIETY OF BOSNIA AND HERZEGOVINA

IOM
UN MIGRATION

PRISUTNOST MIGRANATA
IZVAN PRIVREMENIH PRIHVATNIH CENTARA
U BOSNI I HERCEGOVINI

Decembar 2021

RUNDA 08



31 općina
u
6 kantona



166
lokacija
pokriveno



406 migranata
izvan centara
Od ukupno 406
ispitanika

09 decembra 2021, osma zajednička vježba provedena je od strane IOM-a u Bosni i Hercegovini (BiH) zajedno sa Službom za poslove sa strancima¹ (SPS), uz podršku Crvenog križa (CK) Federacije BiH (FBIH) kako bi prikupili informacije o broju migranata i tražioca azila² koji se trenutno nalaze u državi. Svrha ove vježbe je da se pruži okvirni broj migrantske populacije koja nije smještena niti registrovana u jednom od Privremenih prihvatnih centara (PPC) u datom trenutku. Raspoređeno je ukupno deset timova, sačinjenih od 28 popisivača (21 muškaraca i 7 žena), uz dodatnih 10 inspektora SPS-a (8 muškaraca i 2 žene) i 10 uposlenika CK (6 muškaraca i 4 žene). Vježba prikupljanja podataka je implementirana u 6 kantona, 31 općine, na ukupno 166 lokacija, i to: 74 lokacije u 6 općina Unsko-sanskog kantona, 30 lokacija u 10 općina Tuzlanskog kantona, 35 lokacija u 4 općine Kantona Sarajevo, 21 lokacije u 5 općina Hercegovačko-neretvanskog kantona, 4 lokacije u 4 općine Zapadno-hercegovačkog kantona i 2 lokacije u 2 općine u Kantonu 10 (vidi [Mapu](#) na str.2).


DEMOGRAFIJA I LOKACIJE

Ukupni broj identifikovanih migranata na posjećenim lokacijama je **406**, te su svi izjavili da nisu smješteni ni u jednom od PPC-a u BiH.

Broj migranata u osmoj rundi je u skladu sa [prethodnim rundama](#), te se može objasniti sa nekoliko čimbenika koji su uticali na prikupljanje podataka, kao što su broj angažovanog osoblja i broj posjećenih lokacija, koji ograničavaju raspon djelovanja, kao i loši vremenski uslovi, kiša i snijeg. Nadalje, promjena godišnjih doba i ruta može dovesti do promjene lokacija na kojima migranti obično borave, a koje su poznate IOM-u, što direktno utiče na broj migranata identifikovanih kroz prikupljanje podataka. Iako IOM pomno prati promjenu lokacija na kojima migratni borave, vrlo je moguće da nisu sve lokacije bile u potpunosti pokrivene tokom Runde 08. Kao što je primijećeno i u prethodnim rundama, moguće je da prisustvo uposlenika SPS-a u timovima doprinosi manjoj prisutnosti migranata na posjećenim lokacijama. U skladu sa prethodnim rundama, broj migranata koji su se izjasnili da nisu smješteni u prihvatnim centrima, od ukupnog broja migranata, postepeno je rastao, dosegnuvši 100% u Rundi 08.

Afganistanci (32%) i Pakistanci (24.7%) čine dvije najzastupljenije nacionalnosti⁴ van PPC-a u BiH, zatim slijede Marokanci sa 14.4%, te Iranci i Egipćani sa po 7.7% i 5.9%. Ostale nacije po zastupljenosti su: Alžir (3.9%), Tunis (1.8%), Irak (1.5%), Libija (1.5%), Kuba (1.3%), te podjednako sa manje od 1% Indija, Turska, Gambija, Sirijska Arapska Republika, Kamerun i Gana. U poređenju sa prethodnim rundama, zabilježen je visok pad broja Afganistanaca, 18% manje nego u Rundi 07.

STATISTIKA PREMA SPOLU I DOBNOJ SKUPINI



1. Služba za poslove sa strancima koja je nezavisna administrativna jedinica unutar Ministarstva sigurnosti je odgovorna strana za registraciju svih stranaca na teritoriji BiH, kao i za izdavanje atestacija, uključujući atestacije za one koji izražavaju želju za azilom. Ministarstvo sigurnosti je također odgovorno za upravljanje Imigracionim centrom i privremenim prihvatnim centarima na području BiH.

2. Kako nije vršena provjera dokumentata tokom provođenja vježbe, pod migrantima također podrazumijevamo izbjeglice i tražioce azila.

Statistički podaci o spolu i dobnoj skupini pokazuju da većinu migranata izvan PPC-a čine odrasli muškarci (318), zatim dječaci (27), i odrasle žene (24) i djevojčice (19).



2,302 migranata smješteno u PPC

2,978 slobodnih kreveta dostupno u PPC⁵

Odrasli muškarci čine 82% identifikovane migrantske populacije izvan PPC-a u BiH, što je za 6% više nego u prethodnoj Rundi 07. Najviše djece je porijeklom iz Afganistana (76.1%), zatim iz Irana (8.7%), Pakistana (6.5%), Iraka (4.3%), te Egipta i Alžira po 2.2%. Za razliku od Runde 07, nije zabilježeno prisustvo migrantske djece iz Alžira, ali jeste iz Pakistana i Maroka.

U Rundi 08, od ukupno 124 migranta iz Afganistana, 49 (39.5%) je iz provincije Kabul, zatim 42 (33.9%) iz Parwan, 11 (8.9%) iz Wardak, 10 (8.1%) iz Kapisa, 6 (4.8%) iz Daykundi i 1 (manje od 1%) iz Baghlan provincije. Informacija o provinciji iz koje dolazi preostalih 5 migranata je nepoznata.

Od ukupno 406 migranta bez smještaja u PPC-u, 351 ih je izjavilo da su u BiH ušli iz Srbije, 21 iz Crne Gore, dok je za 34 migranta ovaj podatak nepoznat.

Prema posjećenim, u Rundi 08, većina migranata se nalazila u privatnom smještaju koji mogu koristiti besplatno (41.1%), zatim u napuštenim objektima (33.7%), na otvorenim lokacijama (9.7%) uključujući autobuse i željezničke stanice, plaćenim hostelima (7.9%), drugim nedefinisanim lokacijama (4.7%), improvizovanim barakama ili šatorima (2.2%), te u privatnom plaćenom smještaju (0.7%). Važno je istaknuti da se u Rundi 08 broj migranata koji borave u besplatnom privatnom smještaju povećao sa 18 na 41.1%, dok se broj migranata koji borave u plaćenom smještaju, uključujući hostele i drugi privatni smještaj smanjio sa 10 na 8.6%.

3. Broj posjećenih lokacija odnosi se na ukupan broj mikrolokacija koje imaju jedinstvene georeferencirane koordinate. Od ukupno 166 lokacija, u 68 nije zabilježeno prisustvo migranata.

4. Informacija o nacionalnosti je bazirana na deklaraciji migranata




PRISUTNOST MIGRANATA IZVAN CENTARA

Bosna i Hercegovina

09 Decembar 2021

Est. **406** MIGRANATA IZVAN PRIVREMENIH
PRIHVATNIH CENTARA*


166 Posjećene lokacije u
6 Kantona
31 Općina



This map is for illustration purposes only. Names and boundaries on this map do not imply official endorsement or acceptance by IOM.

Source Data : IOM, National Authorities

AFGANISTANSKE PROVINCIJE IZ KOJIH DOLAZI
NAJVEĆI BROJ MIGRANATA



ZDRAVSTVENE POTEŠKOĆE I RANJIVOSTI

Upitnik je dizajniran na način da omogući prikupljanje informacija o pojedinačnim stanjima i ranjivostima prisutnim među ispitanicima. Identifikovane ranjive kategorije predstavljaju 3.2% od ukupne migrantske populacije mapirane izvan službenih centara u BiH: **4 osobe sa medicinskim problemima** (2 sa promrzlinama, 1 sa bolovima u nogama i 1 sa skabijesom), **3 djece ispod pet godina**, **2 djece bez pratnje između 15-17 godina**, **1 trudna osoba**, **1 djeteta bez pratnje ispod 15 godina**, **1 osoba starija od 60 godina** i **1 žena koja putuje sama**.

Prikupljanje podataka u ovoj vježbi je bilo usmjereno i na vrste medicinskih problema među migrantima koji borave izvan PPC-a, baziranih na observaciji od strane popisivača. Na ovaj način se pokušava uvidjeti postoje li nezadovoljene medicinske potrebe, te ukoliko su migranti u stanju potrebe za medicinskom asistencijom, da li su istu primili u posljednje dvije sedmice. Od ukupno 3 migranta, koja su izjavila da su bili u potrebi za medicinskom pomoći u posljednje dvije sedmice, **ni jednom ista nije uskraćena**.

U skladu sa korištenom metodologijom, migranti koji odsjedaju u plaćenom hostelskom smještaju uvršteni su grupu onih koji ne borave u zvaničnim PPC-ima u kojima se nudi humanitarna pomoć. S toga je bitno naglasiti da migranti svjesno odbijaju da borave u nekom od postojećih PPC-a o kojima ih u sklopu svakodnevnih aktivnosti informišu IOM, SPS i drugi humanitarni akteri.

IDENTIFICIRANE RANJIVE KATEGORIJE




GEOGRAFSKA RASPOREĐENOST

Većina migranta izvan PPC-a se nalazi na prostoru Unsko-sanskog kantona (USK), dok je u odnosu na prethodne runde zabilježen manji broj u Kantonu Sarajevo (KS), Tuzlanskom kantonu (TK), Hercegovačko-neretvanskom kantonu (HNK) i Kantonu 10. Prisustvo migranata nije zabilježeno na posjećenim lokacijama u Zapadnohercegovačkom kantonu (ZHK). U USK je zabilježen ukupno 251 migrant (61.8% od ukupnog broja), u KS - 122 (30%), u TK - 22 (5.4%), u HNK - 10 (2.5%) i u Kantonu 10 - 1 (manje od 1%). Interesantno je napomenuti da se u poređenju sa prethodnom rundom procenat identifikovanih migranata u USK smanjio sa 78 na 62%, dok se procenat u KS povećao sa 18 na 30%.



KRAJNJE DESTINACIJE



KRAJNJE DESTINACIJE

U Rundi 08, države koje su iskazane kao željene krajnje destinacije su Italija (38.2%), zatim Njemačka (21.7%) i Francuska (16.7%). U poređenju sa prethodnom Rundom 07, povećao se broj migranata koji žele ići u Italiju i Francusku za 10%, dok se za 20% smanjio broj onih koji žele da idu u Njemačku. Važno je napomenuti da je krajnja destinacija za 10% migranata nepoznata.


Italija, Njemačka i Francuska su u Rundi 08 spomenute kao krajnje destinacije za sve tri najzastupljenije nacionalne grupe (Afganistanci, Pakistanci i Marokanci). Većina Afganistanaca je iskazala namjeru za odlaskom u Francusku (33.9%), zatim u Italiju i Njemačku (podjednako 32.3%). Za migrante iz Pakistana, primarna krajnja destinacija je Italija (81.3%), zatim Njemačka (15.6%) i Francuska (2.1%). Interesantno je napomenuti da većina državljana Maroka ne zna koja je njihova željena krajnja destinacija (35.7%), dok njih 26.8% želi ići u Italiju, te Njemačku i Francusku (8.9% podjednako).

REFERISANJE I INFORMISANJE

Počevši od Runde 08, ova sekcija je znatno uprošćena kako bi se skratila, te kako bi se izbjegla moguća dupliranja sa drugim aktivnostima prikupljanja podataka unutar DTM operacija u BiH.

U Rundi 08, većina migranata (33.5%) je izjavila da su u BiH boravila između šest mjeseci i jedne godine, 16% između 2 sedmice i 1 mjeseca, a njih 14.3% između 3 i 6 mjeseci. Zanimljivo je napomenuti da je oko 20% migranata u BiH duže od 1 godine. Nadalje, 62.8% identifikovanih migranata je izjavilo da su upoznati sa mogućnošću dobrovoljnog povratka i reintegracije (AVRR) u matičnu zemlju, koju nudi IOM, što je skoro za 30% više u odnosu na Rundu 07. Također, 27 migranata je izrazilo želju za informacijama o legalnim putevima i osnovama za ostankom u BiH, što predstavlja 6.7% od ukupnog broja identifikovanih migranata.

DUŽINA BORAVKA U BIH



6. Za više informacija o metodologiji, posjetite web stranicu IOM BiH.

METODOLOGIJA 6

Displacement Tracking Matrix (DTM) je sistem za praćenje i monitoring migracionih tokova i kretanja stanovništva, kao i za redovno i sistematsko dijeljenje informacija. U BiH, DTM prikuplja podatke o kretanjima i shvatanjima po nacionalnim grupama prilikom ulaska u državu kao i broj migranata smještenih u PPC od 2017 godine, kao dio šireg projekta monitoringa miješanih migracionih tokova i boravka kroz rute Zapadnog Balkana i Mediterana Europi.

Način prikupljanja podataka – 8. vježba

Geografska pokrivenost

31 općina u 6 kantona Federacije Bosne i Hercegovine (FBiH), odabranih od strane IOM-a zbog velikog broja prisutnih migranata na tim područjima. Ukupni broj posjećenih lokacija uzima u obzir mikrolokacije. Pod mikrolokacijom se podrazumijeva jedinstvena lokacija sa svojim specifičnim geografskim koordinatama.

Ciljana populacija

Stranci koji putuju ili su naseljeni u BiH izvan PPC-a. Migranti koji su već smješteni u jedan od PPC-a nisu uključeni u ukupnu statistiku.

Vremenski okvir

Osmo runda je održana 09. decembra 2021. godine.

Popisivači

10 timova i ukupno 28 popisivača (21M, 7Ž), sa poznavanjem engleskog, arapskog, dari, farsi, turskog i pašto jezika, zajedno sa 11 SFA inspektora (8M, 2Ž), po jedan u svakom timu, koji su pružili asistenciju i pristup lokacijama, i 10 uposlenika Crvenog križa FBiH (6M, 4F).

Metode prikupljanja podataka

Anketa je dostupna u printanoj formi i online/mobilnoj KoBo formi na engleskom jeziku. Svi prikupljeni podaci se spremaju na Kobo Server kojim upravlja IOM sa sjedištem u Ženevi. Upitnik se sastoji od 5 osnovnih sekcija: ukupan broj prisutnih migranata na lokacijama van PPC-a na datoj lokaciji; presjek spola i godina za 5 najzastupljenijih nacionalnih grupa; glavne ranjivosti i zdravstveni problem; osnovne rute kretanja, transport, destinacija; interes za preporukama i dodatnim informacijama. Počevši od Runde 05, uvedeno je dodatno pitanje koje se tiče najzastupljenijih provincija Afganistana iz kojih dolaze migranti, zbog posljednjih događaja koji su se desili u državi.

Ograničenja

IOM konstantno unaprijeđuje već uspostavljenu stalnu prisutnost u odabranim kantonima u BiH kako bi mogli pružiti podatke o broju migranatske populacije van PPC-a u određenom trenutku. Vježba prikupljanja podataka je provedena uz sljedeća ograničenja:

- Geografska pokrivenost je ograničena na određeni broj lokacija i kantona u FBiH, pokrivajući oko 25% teritorije BiH. Postojeća ograničenja su:
 - Ograničen broj uposlenika – unatoč angažmanu SPS i CK uposlenika u vježbi prikupljanja podataka.
 - Otežan pristup određenim lokacijama posebno u USK.

2. Pristup osoblja SPS-a tokom provođenja vježbe omogućuje pristup nekim lokacijama, ali može ometati učestvovanje migranata na drugim lokacijama i/ili uzrokovati pristrasnost migranata u odgovorima na pitanja.

Sa promjenom godišnjih doba i ruta kretanja, mijenjaju se boravišta migranata što utječe na broj identifikovanih migranata tokom DTM vježbe.